

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj : 32 0 St 498706 25 St
Tuzla, 20.04.2026. godine

Općinski sud u Tuzli, stečajni sudija Vedran Milašinović, u postupku predhodnog ispitivanja prijedloga za otvaranje stečajnog postupka nad dužnikom „Viral MEDIA“ d.o.o. privredno društvo za zapošljavanje osoba sa invaliditetom Živinice, ul. Sprečka br. 5, dana 20.04.2026. godine donio je slijedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „Viral MEDIA“ d.o.o. privredno društvo za zapošljavanje osoba sa invaliditetom Živinice, ul. Sprečka br. 5.

Za privremenog stečajnog upravnika imenuje Adil Bašić iz Tuzle, ul. Klosterska 7.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez

odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Živinicama i Službi za geodetske i imovinsko-pravne poslove Grada Živinice, radi upisa zabilježbe otvaranja prethodnog postupka.

Obrazloženje

„Viral MEDIA“ d.o.o. privredno društvo za zapošljavanje osoba sa invaliditetom Živinice, ul. Sprečka br. 5, kao dužnik podnio je dana 15.12.2025. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 19.03.2026. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač je dana 14.04.2026. godine dostavio sudu dokaz o uplati predujmljenih sredstava za finansiranje prethodnog postupka u iznosu od 4.000,00 KM.

Na osnovu priložene dokumentacije i to; odluka o pokretanju stečajnog postupka od 10.12.2025. godine, odluka o prestanku poslovanja od 10.12.2025. godine, aktuelni izvod iz sudskog registra od 20.11.2025. godine, izvještaj o računima poslovnog subjekta iz Centralne banke od 24.11.2025. godine, bilans stanja na dan 31.12.2024. godine, bilans uspjeha za period od 01.01.-31.12.2025. godine i uplate predujma od 3.500,00 KM, predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 18.03.2026. godine, zastupnik izjavi da je društvo prestalo obavljati djelatnost 01.10.2025. godine. Društvo se bavilo zapošljavanjem osoba sa invaliditetom. Problemi su nastupili tokom 2025. godine kada je UIO BiH vršila kontrolu te je zauzela stav da društvo mora pribaviti potvrdu o rezidentnosti jedne firme iz Švicarske sa kojom je društvo bilo u ugovornom odnosu, a što je pokušano međutim porezni organi u Švicarskoj zbog zaštite podataka nisu mogli dati taj dokument, direktor je tražio od UIO BiH da službenim putem pribavi isti što oni nisu htjeli te su društvo zbog tog teretili za dug od otprilike 50.000,00 KM i po njihovom nalogu je blokiran račun u aprilu 2025. godine. Protiv odluke UIO pokrenut je upravni spor pred sudom BiH koji za sada nije donio odluku. Od blokade računa društvo nije bilo u mogućnosti da isplaćuje doprinose za direktora, a pored navedenog PU F BiH je stava da je društvo obavezno plaćati vodonaknadu, za šta zastupnik društva smatra da je oslobođeno s obzirom na djelatnost (zapošljavanje osoba sa invaliditetom a shodno Zakonu o profesionalnoj rehabilitaciji osoba sa invaliditetom). Također, sa Procredit bankom je društvo imalo zaključen ugovor o overdraft i revolving kredit, a kao sredstva obezbjeđenja je bila zasnovana hipoteka na zemljištu otprilike 5-6 dunuma zemljišta blizu centra Živinica na kojem nema izgrađenih objekata, te je banka i pokrenula izvršni postupak pred sudom na ovoj nekretnini (dug iznosi otprilike 225.000,00 KM), te je u februaru odbijen prigovor na rješenje o izvršenju, a protiv kojeg je izjavljena žalba.

Što se tiče imovine direktor je naveo društvo ima u vlasništvu prethodno navedeno zemljište, traktor-kosilicu Stihl koju je zastupnik kupio prije 2 godine i platio nešto više od 10.000,00 KM, nešto kancelarijskog materijala, te smatra da ima potraživanje prema PU F BiH na ime plaćenih iznosa poreza na dobit, a za koje nije postojala obaveza plaćanja s obzirom na djelatnost društva u skladu sa odredbama prethodno pomenutog zakona.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijea u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje

stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.